

四庫全書

集部

欽定四庫全書

東江家藏集卷十二

中集八

明 顧清 撰

北游稿

詩一百二十七首

甲戌郊壇分獻用三江院長韻

天郊分職限西東  
天路平瞻月在空  
燿火舉時紛列宿  
燎煙迴處肅泠風  
百神禮秩山川外

時分獻天  
下神祇

萬國春

生俎豆中遙聽廣庭金石奏似將無悔謝玄功

元夕壺陰石潭會西軒用前韻

浮雲海內幾西東此夕塵襟一笑空已放銀花開火樹  
更邀明月共清風江湖地憶他年遠松栢心知早歲同  
看取白頭黃太史夜燈方下讀書功

同年中老而勤學無如壺陰

齋居獨坐寄三江

我馬今晨已自東入門燈火夜堂空浮雲不放中天月  
古木頻號別院風夢繞白樓千里遠

時三江居白樓宅

坐圍紅

燭幾人同春來點檢詩多少  
扈宿陪祠亦有功

崔世興宅奉次涯翁韻

酒敵棋朋四坐分不知處是東君  
屏間拂石疑生雨

畫裏看花半作雲

王若水畫梨花杏花甚妙

白雪詞章隨筆散

涯翁席上

作草書

紅塵車馬隔牆紛平生六一堂  
前士到處春風挹

令芬

送宋舜和叅政之桂林兼簡時措憲副伯玉亞

參

金匱要略卷十二  
萬玉參天說桂山好風明月送飛鸞官評廿載朝端美  
行色三春畫裏看鄉里故人驚會合遐方穉子亦歌懼  
公餘為有懷人意東北停雲日倚闌

施先生希祿佐永州有善政秩滿借留入為宗  
人府經歷陞知雲南姚安府惜其遲暮而喜  
遠人之得所依也作三絕句送之

青衫白髮換緋金二十年來一日心說與南人應鼓舞  
零陵城下有棠陰

三月都城日日風塵埃不見小桃紅  
青山滿目看行色  
一雨朝來抵為公

燕山立馬望姚州極目晴雲鳥外浮  
記取他年傳循吏  
冰天桂海一時收

武舉鎖院對月有懷孫貞甫

廣庭風拆轉三更坐擁青綾看月生  
明月故人江外去  
一尊誰與餞東城

洞庭春宴為徐子容太史母壽用己未送歸省

韻

林屋山深春晝遲桃花成實柳花飛里門駐節父老喜

時奉使過家

膝下奉觴游子歸三洞魚龍聞廣樂兩峯雲日

麗晴暉不知宮錦筵前舞何似當年五綵衣

劉君克柔以親老思歸適有南京尚寶卿之命

喜而索詩

中浦風煙接鷺洲符臺鎖鑰近龍樓幾年空作飛雲望  
此日真成衣錦游潞渚汶河新得雨白魚紅蟹正當秋

都亭極目行塵盡恨不相隨並綵舟

六月二十五日大雨次盧師邵御史韻

快雨頻來溽暑時老夫乘興正臨池不知馬鬣雲頭瀉  
頓有驚羣席下嬉到處轉輸應利涉向來枯槁亦堪悲

前此  
苦旱

商岩孰與顏車近恭默方塵九五思

雨不止用前韻

詩成又是雨來時次第南池望北池

來詩有庭戶  
成池之句

屏翳

可知陰作沴豐隆真以怒為嬉

前夕震宣  
武坊樓

頽垣毀壁時



驚坐下澤高原各自悲  
向晚薄寒侵病骨  
玉樓深處不勝思

雨止十峰有和篇再疊

既雨何如未雨時  
分明洄轍望天池  
商羊不作庭中舞  
河伯誰從海上嬉  
紅日竚聞祥鳳語  
涼風還為決明悲

三江昔歲親逢此  
夢裏猶懷痛定思

雨勢猛驟正  
如己已秋

是夕師邵隔牆送酒  
侑以原韻三疊奉酌

久雨偏當酒盡時  
庭前空羨雨成池  
美人肯為呼牆送

狂客何妨秉燭嬉我輩笑談為故事鄰家春釀有餘悲  
簷溝又作飄蕭響明日陰晴且莫思

師邵以牆頭過濁醪為韻賦五絕句依次答之

學有盧前愧居鄰孟氏芳此夕添嘉話雙尊過短牆

積雨限來往空齋真臥游窓中望佳樹正爾屋西頭

小時

齋新啟  
北牖

美酒餉不辭古調高難和莫補牆頭缺且放鷓鴣過

有酒呼牆送此意殊不惡渠將聖者清冒彼賢人濁

惠酒

甚清

賦詩兼酌酒顧我豈能豪味君辭意美終日醉醇醪

師邵復以詩送酒副雙尊之句仍以一壺情所  
寄四句意能多散於篇內因效建除體次第  
用之招與十峰同飲

一室環潦水壺尊空倚牆情馳北鄰彥所謂天一方寄  
我五字吟四迈意彌長能許衝泥過多哉招杜康

七月一日招孚若師邵唐信伯周文儀飲效師

邵作

一雨時物潤壺瓜皆可烹情知飽食愧所樂在良朋寄  
跡且仁里四鄰多俊英句讀脫陳朽意氣凌高冥能來  
共菲惡多謝樓君卿

席間呈諸公

一月十日雨不休壺滕瓜蔓生蝸牛情知春旱已無麥  
所可復望秋田收寄巢燕子濕兩翅四散飛落誰家樓  
句法清雄盧柱史意氣劇為蒼生憂能言有筆斷有斧

多少陰妖憑社丘

題扇用敬所韻

坐愛水木秀閒吟招隱詩童子趣歸去前山月上時  
清風消暑溽好雨報秋成借問林間老應無白髮生

雨後獨酌得王鶴坡秋夜不寐詩有感遂用其  
韻

憶昨震雷雨勢欲傾我牀我牀幸無恙已復頽我牀羈  
人多懷思異形同肺腸與君隔千里

時鶴坡在靜海遠邇俱他

鄉霖晦動旬浹何由覲天光晚酌西軒下雙鯉忽墮傍  
願隨飄風去聯坐舉一觴川流正浩瀚我舟不可方會  
合知幾時仰視雲天蒼還坐三歎息孰云歸路長

丁器之將赴建平誦予乙丑贈歸之作且問原  
復動靜俯仰十年不勝故舊天涯之感因用  
原韻作兩絕句送之

吳江歲晚促歸船臨發題詩尚宛然  
時在雲西道院與原復同餞君十  
載長安如一夢又攜風月過桐川

郎步溪頭繫客船  
家山回首思依然  
公餘賸有登臨地  
見說南湖似剡川

七月十六日鄉人會餞兩邑新尹於寓舍既罷  
不寐旋書所感得三十四韻論其格製不足  
言詩而櫟野懇悃擬諸田夫野老之詞或可  
備詢訪之一二也

吾邦古壯縣馳望自宋唐  
勝國登使府因之啟上洋官  
曹雖日崇阡陌仍故疆  
宋季已窮蹙取民猶甚涼

報省稅十

一萬實徵八萬  
實納止三萬餘

一壞賈綿州

賈公田加賦

再因朱管張

籍沒朱國

珍管明朱清張瑄  
名田按租起稅

浸淫到國初乃至十倍強

兩稅共百四十萬

浮名累仁政有識空歎傷

歲徵每不及半

宣祖痛裁損

官田遞減三之

一經綸更文襄民力既以紓賦入乃有常公家無闕事

帑廩有餘藏後來諸君子率由如舊章至今鄉父老稽

首周侍郎

文襄初以侍郎巡撫後陞尚書而民止呼其故官

粵從近歲來智者

好紛更

叶

或云時世異古法今難行

叶

或云廣儲積典

守為民殃墉坊一以決狐鼠恣披攘但見私稅增不聞



公廩穰己巳及庚午諸倉惟棟梁

舊濟農倉米常數十萬近歲一空

苟

能實蠲稅猶或幸小康功名掩慈惠白紙裁青朶都將  
煙水區指作禾黍場一字挂經費年年理逋亡從此遂  
困弊蕭然類窮鄉去夏復霖雨湖田盡滄浪監司不肯  
奏郡邑徒蒼皇荒租二十萬積雪傳嚴霜君子清廟器  
牛刀試新芒顧此凋瘵餘宜爾勞運量立國自有本為  
政自有綱不聞慈母子饑寒啼路傍往迹既非遠後賢  
蔚相望區區閔人窮寢食熱衷腸願見德化成聯飛入

明光還將鏤青管濃墨書循良

壽定庵八十三用十峰韻

繞宅青山列畫屏磨崖到處可鐫銘神仙上界猶官府  
塵海中間幾醉醒高詠雅情追白社逸書精札亂黃庭  
年來兩負中秋會遙聽笙歌入翠冥

和盧師邵中秋馬上作

美人宴罷玉京城歸騎垂鞭踏月行風露九霄紛澩漾  
山河萬里共澄清却思江路經年別直恐冰輪未曉傾

安得凌風馭仙驥桂花相倚看吹笙

崔世興宅會餞白巖宗伯限韻作

北來行李半圖書歸去詩囊滿後車雲海尚留今夕暇  
絃歌尤愛此堂虛謝公把酒梅應笑絡秀生兒玉不如

時白巖  
初得子

回首舊游心歷歷江風江月正愁予

趙爾錫席上限韻送前人

莫遣江樓畫角鳴明朝樓外有人行清尊石鼎連宵話  
遠道江雲十載情黃菊尚餘金谷酒青山故繞石頭城

遙知落日浮仙棹  
潮送寒流似掌平

送吳棟卿謁告歸兼簡黃克明胡希文二太學  
擬向清江聽櫂歌  
好官無奈病身何  
思山夢繞沿洄路  
拜闕恩承浩蕩波  
靈藥可尋寧憚遠  
舊書重讀不嫌多  
胡黃二俊知鄰里  
想見尋常載酒過

錢御鑒仁仲父母壽詩

錢鏗之孫老不狂  
讀書賣藥吳市傍  
賢妻八十古孟光  
裙襦相對和以莊  
夜燈密線鍼如芒  
膝前佳兒五綵裳

手攜刀圭倚明光三年不見心徬徨春風回首吳雲翔  
盡遣妻孥歸奉觴要我作歌歌壽昌君家恩寵未可量  
老人之壽亦未央君不見前星揜耀今十霜幾夕紅光

流畫堂

君工小方  
脉故云

十峰約陪喻府君夜坐明日有詩次韻

落葉風軒暮已扃偶從華簡挹蘭馨情深舊雨連今雨  
興洽花瓶亂酒瓶化俗無心魚在水腫膏有待鶴梳翎  
醉來更覺盤道美欲向齊奴問韭萍

移燈賞菊和十峰

寒叢可似浣溪花也逐銀燈上碧紗滿地月明搖墨暈  
一襟涼氣拂霜華旋浮綠酒須拚醉遍插烏巾未當奢  
却恐夜闌人欲睡寵光明日拜公嘉

送衍聖公用涯翁爾錫席上韻

振鷺歌殘駟馬鳴蓬山燕罷錦衣行西風遠道三秋日  
落木洄淵萬古情別卷荐賡懷麓韻前旌應過子游城  
川流夙昔知安穩極目晴雲到海平

盧師邵宅會文太僕宗嚴用鳴字韻

童子垂頭蟋蟀鳴詩聯不斷酒頻行  
青山夢繞來時路黃菊香留晚歲情  
一斗尚堪呼我屋五言誰可犯君城  
明朝共約慈恩去為聽驪駒意未平

宗嚴先有此約是夕束裝故云

小軒山頽輦置涯翁園亭石齋少師繼有太湖之貽翁喜有詩山成次韻奉賀

頽然不肯駐荒臺移入名園始快哉  
竦立正當青嶂近靜觀疑有白雲來  
池亭綠野添幽致斧鑿龍門想舊栽

得與奎章並題品也勝尊酒為渠開

翁謝石齋有奎章閣裏千年石飛墮

西林水竹間之句

辯公以詩謝香次韻却寄

有跋

澄湖樓閣帶重江雲影天光動八窓  
髣髴夢中曾一到  
櫂歌驚起白鷗雙

青鞋布襪是家常猶欠雲門一瓣香  
心識廟灣橋下路  
來時不擬問漁郎

誰說詩人鬢未霜  
芬華久矣謝春芳  
灰中芋栗能分我



只與江湖作漫郎

拔足紅塵九十霜  
雲西自作水仙王  
他年為續三生話  
元老東坡本一鄉

得詩之夕夢與高進之乘舟入寺予欲觀假山一  
僧導過東廊折而南行遇異獸而寤首章蓋紀實  
也第不知假山果何在爾紀之以備他日一笑

宴別喻府君用定庵韻

詩人且莫賦民勞  
萬事分明繫我曹  
試看吳鄉幾蛙竈

何曾渤海暫牛刀

時北州江西多盜賊

官評不爽民心古輿論無

慙素履高已是邦人凝望久且拚今夕醉松醪

客路深知歲晚勞檄書先已被東曹遺民正望行春馬  
歸夢猶懸午夜刀黃霸賜金偏得厚于公車蓋轉應高  
日斜風力欺人面更盡雙觚玉色醪

兒子天彝病起有詩報信用韻答之

南州多暖北州寒十月黃花錦作團獨把一枝情萬種  
見花何似見人難

薄晚天風特地寒小窓思汝坐纔團醫方可是全無効  
却是尋方對病難

霜月中天樹影寒繞階風葉走團團此時獨坐心千里  
誰信來難去更難

怒作火炎憂水寒崑岡成炭水成團須知醫學通儒學  
兩字功夫養性難

和陸時敏客中寫懷

隔牆車馬漲紅塵睡起東窓一欠伸朝謁懶從多病得

笑談情有故鄉真汀花岸草牽心遠社燕秋鴻過眼頻  
莫信洛陽春似錦洛陽元是一般春

蟬蛸豈見海成塵尺蠖寧知屈是伸自古風花暫時好  
由來傀儡幾曾真道途信我從橋便功業從他覽鏡頻  
幸有一觴堪對舉不須遙羨隔江春

諺語江南望  
見江北好

宣城徐士元浮沈州縣二十年始有南臺之選  
其閱歷多矣將能為國家建久遠之策而不  
詭於玉石朱紫之辨乎故詩以敘別而不及其他

美人家在古宣州  
少日曾同白下游  
青眼十年重酒盞  
綠波千里又官舟  
江山近識桓生馬  
風月平分謝眺樓  
無限離情與鄉思  
暮天雲樹滿汀洲

朱文宿侍御移居東鄰與孚若過訪席間聯句

得二韻明日足成

莫厭移居客過頻  
為君深喜得芳鄰

孚若

詩書二十年

前會鄉國三千里  
外身

文宿

河水未冰魚正美  
江船近

到酒猶新獨慚蹇  
劣非公輩還許青雲接後塵

清

冬夜四清次孚若韻

煮茶

未有金犀辟夜寒每蒙龍鳳賜宮團

玉牒所月  
有官茶

自分玉

嶺千尋潤小試春旗一葉單屋裏松濤從地起窓前梅  
月幾時看飄然便欲凌風去清淺蓬萊水又寬

焚香

小閣垂簾夜不寒縈空一縷碧團團芳菲似與梅風細  
縹緲應憐鶴夢單名重水沈催試取火微雲母自添看

明朝滿眼金爐畔朝退還攜兩袖寬

奕棊

楸枰的歷曉星寒熊虎貔貅各就團  
稍出偏師當一面從教空國戰三單  
雄雌漢楚危時決黑白商顏靜裏看  
自是人間有機械先生心事本來寬

賦詩

灞橋驢子雪衝寒東閣梅花玉作團  
思入空雲千態變巧爭天女一絲單  
芬華肯逐當時好真相還應具眼看

尚有一篇煩東哲玉缸春酒夜來寬

十二月一日寄書天彝有感用煮茶韻

一冬今夕始知寒起斲清冰試小團水品無勞問鴻漸  
火攻聊欲效田單腸間古字搜應遍灰裏仙書默自看  
好辦百株供歲晚歸期報與客心寬

先母忌辰有感用前韻

游子天涯感歲寒夢回清淚欲成團人間空想萱枝茂  
地下誰憐鴈影單

時聞二弟計

衣線密縫猶有在兒孫滿眼



若為看三牲列鼎嗟何及慙負皇恩似海寬

和白樓祭酒游獅子山盧龍觀登閱江樓故址

二首

金猊作山雄踞蹲異境靈蹤不盡論  
礪戶雨晴浮玉氣石壇春暖長龍根  
三峯遠勢分襟帶九派長流入吐吞  
一自陽春傳白下幾回江月夢黃昏

名山截立大江前聖祖宸游地儼然  
宮樹戴雲猶五色礪花回輦欲千年  
樓臺極目煙中市犀象連艫海外船

無限平生登覽意蒼崖須繼白樓鐫

談以嘉寄友山墨竹求貞庵詩

衆水必迢壑萬木終歸根乾龍抱四德維貞乃生元談  
子魁傑士詩書富鑽利汗漫四十載及此見本原浪跡  
混成市深居乃丘園逝將游化初豈止超籠樊神交友  
山翁遺墨寶璫璠緘題遠寄我知君未忘言長安日出  
餘車馬聞朱門清言頌夔契高步趨炎軒紛紛未渠已  
兀兀空自煩引領望五茸高雲碧嶺屹衢陌轉紆曲軒

窓開晏溫登樓喚雲槎隔巷招南村

二君以嘉隣近文字交也

逍遙

共水石嘯傲同琴樽以茲遂百歲誰知軒冕尊

彭城王肅之自分守疊茂擢湖廣江西參副入

掌京營拜中都留守

天立三京鞏帝圖濠梁千古漢枌榆河山結秀猶龍氣  
留守承恩重虎符萬福威名聞草木班超功業在羌胡  
他年併入雲臺畫爭看貂蟬映美鬚

奉和涯翁聞雪枕上作

啟戶兒童有笑聲一冬無雪雪今晴却思叢竹應薶沒  
戲別殘燈與鬪明江上小舟還自汎屋頭春鳥為誰鳴  
輕雲薄日新題句總是商巖未了情

壽王艾坡

西湖東畔甕山阿靈草年深綠滿坡林壑為公增媚嫵  
杖藜終日共婆娑天生壽骨如彭祖人道醫名似華陀  
聞說新莊更幽勝一尊還許醉煙蘿

和施聘之十五日退朝作

漢闕朝回地蓬山雪霽天鳳瞻雲外輦雷想殿前鞭綠  
漾銅池水青浮綺陌煙太平公等在未可讓前賢

御溝北岸

冰合而南岸水流前此未有

送陸時敏分教建安

怡柑堂下菊花前把酒攤書四十年感舊不知吾老矣  
憶歸翻為子欣然吳山越嶠行千里雲谷滄洲賦幾篇  
往問諸君定相識蒼崖似有姓名鐫

往嘗為此邑記修學

長安新街成次師邵韻

七寶宮城玉斧修，新天路快同游。  
平看白日行龍角，近覺青山在馬頭。  
禹甸會來凡幾譯，康衢歌罷已千秋。  
何當四海均如此，水宿雲飛各自由。

乙亥元日十峯飲師邵東齋出予家桂餅師邵  
有詩自牆上遞至次韻奉答

寶鈿和露壓金英，為起秋光一日成。  
月殿有人留素影，花林無物稱佳名。

餅有嫦娥蟾兔形  
天香狀元紅等字

攜來不覺鄉闕遠

吟罷猶令客夢清，茗盃酒盃皆可意。  
好將新歲作傳生

唐人歲首飲

酒名傳生

明日師邵有牆上傳詩之作次韻

似有虹光射屋頭，不知人語夜堂幽。  
呼牆忽得淵明信，能賦真同子建流。  
便擬續貂噓凍筆，却慙燒蠟變更郵。  
玉堂本與蘭臺近，珠壁尋常豈外求。

師邵舊有詩云買宅誰家近玉堂

師邵出意作綸竿于牆上，以便遞詩名曰詩釣。

首倡一篇詞意兼美依韻奉酬

巧心文思孰兼長，詩釣詩成又幾章。  
千里浮沈謝江路，

一竿風月共鄰牆  
君如緣木求魴鯉  
我正懷磚想珮璜  
畢竟兩無名利念  
五湖煙水舊同鄉

翰林齋居和十峯聽琴二十四韻

王春重裡祀齋居  
百工休寥寥古槐  
廳無風亦蕭颼落  
日衆鳥歸感我林  
居幽起步視天宇  
明星一何稠賦形  
穹壤間豈不誠有  
由鳴鳳跂阿閣鳬  
鷺散滄洲雲鵬與  
斥鷃各自從其傳  
與子昔少壯挾書  
隘鄉州坐談輕白  
壁高步希丹丘雖  
懷黍稷愧稊稗亦  
已秋策名二十載



實也非吾仇重來歲云暮庶以追前游卜居幸仁里歎  
洽皆名流側聞官評美信爾學殖優載觀聽琴作騷選  
合並收朗吟向清夜何止消百憂惟此清廟器流傳自  
虞周南風既廣大岐山亦優柔共惟千載意歷歷心與  
眸竚竚亂人耳此物委道周不逢君子徒竟作空山舟  
朋游本沙聚歲月亦川流鍾子既長往雍門今白頭惟  
有十樣牋可以修龍樓

時以吳  
牋同往

西軒夜坐各賦一物孚若得菱甌師邵牙筋文

宿銀觥子得紅燭

停停雙紅燭照此清夜闌主人為無寐佳客得盡歡玉  
蟲落金釵絳蠟縈銅盤願言四座光昭我一寸丹

慶成宴上作和伯明侍御

郊裡又喜一番成金殿晨開淑氣迎風裏旌旗颺日彩  
雲中金石應春聲十年正德當熙運萬國傾心仰聖明  
既醉有詩還索和併將無逸頌昇平

承天門迎駕和九和殿講

燔燎中天報禮成六龍回首萬人迎天應不斷酬豐歲  
臣也何慚繼頌聲五色畫旗風裏掣九旂雲罕日邊明  
羣公不用頻瞻望皇路年來似掌平

再和九和宴上作

紫壇殷薦九功成黃屋初筵百福迎千羽盡消豺虎氣  
簫韶齊作鳳凰聲條風暗逐龍樓轉遲日偏當黼座明  
報與萬方須鼓舞泰階連夜十分平

次韻伯明謝九和燈圓

火蛾市裏珠論斗，麴蘗筵中芡滿盤。  
猶記薰風初作綫，不知春雪解成團。  
圓疑藻井重光漏，美在靈砂一粒丹。  
食罷鄉心渺無賴，江樓燈月好誰看。

待隱園為邃庵冢宰賦

先生奇才天下聞，先生早達非隱淪。  
名園十畝手自闢，遠意正在桑榆暉。  
蒼生日夕要霖雨，碧山豈得留閒人。  
君不見晉公綠野晚始就，魏公老圃當秋芬。  
人生適志亦有日，彈丸鴟炙空勞神。  
隱待園園待隱，塵海茫茫幾

時盡會須重夢竹間翁煙雨春風謝招引

天秩讀書靈濟宮有懷

明燈照尊酒舉觴情不怡去爾復幾遠而當懷別離男  
兒四方志問學乃鎡基弱齡逝已邁盛年方及期離憂  
與志養輕重理不疑仙宮晝無人况此良夜遲清心照  
千古澄慮徹萬微豈徒美藻翰立誠其在茲我壯已失  
學守官愧無為庶幾子復孫努力酬恩私體我對酒意  
惜汝當春時無令金根子空負城南詩

分得鐵面送施聘之南巡

使君清冰心其面乃如鐵冰心與鐵面表裏雙映澈  
鮀朝莫我媚賁育莫我折端如九鼎峙神姦過而滅又如  
明鏡照百里見妖孽前年按東關邊圉方狡猾聞聲已  
宵逝况敢剗旄節今年復何事豸角指山越朝辭詣闕  
下風采動班列想當顧盼間狐兔已無穴頽風煽末世  
瀾倒不可截羣情愛輒媚衆目憎冷冽安得公百輩共  
把霜臺臬臬除鳳乃至莠盡禾始活君心與君面天為

蒼生設往哉慎所向嘖笑有窺竊

觀梅奉和涯翁韻

雪深江路記橫枝二月京城始見之  
遠客有情頻借問孤根異土不同時  
修篁此日方求友穠李當年亦費詩  
應是晚風偏愛惜故飄香藥落金卮

扶風令

潞汝宗榆  
討季父也

扶風有健令戰死略陽城略陽豈無令  
城破儼冠纓飛章報主帥盡掩張巡名  
天監日月昭孤兔可逃刑下詔

贈官爵推恩及孤嫠忠憤一以雪義聲若雷霆回看略  
陽子澌滅無留形生世豈不死所貴死有稱漠北拜蘇  
武隴西慙李陵我歌扶風令永激晉代英

趙恒齋挽詩

都御史廷實之父黔江教諭致仕封濟南知府宋宗室也

問族王孫貴名家理學宗黔江初振羽稷下晚疏封餘  
澤流忠孝隆恩賁始終西山春草合無地躡仙蹤

聞劉南村將至先寄

正喜牀頭新酒熟忽聞江外故人來不知靈鵲誰傳與



開亂簷前日幾回

次韻石東滹都憲詠臺中松竹二首

傲霜凌雪到參天曾見春花幾度妍  
光引赤墀朝上日秀分蒼栢晚來煙  
人疑靈物風雷變我視孤根鐵石堅  
何待他年歌蔽芾大夫新律自超然

撫遍簷松偃蹇枝小窓驚見玉參差  
却看塵土無容地似與琴尊有素期  
聲散午風醒客夢影分涼月動吟髭  
虞庭正議簫韶事莫遣伶倫左右知

張麟慶澤堂

江水東流入海深水邊華構百年心行人未識君家世  
看取堂前喬樹林

題畫

小艇臨江岸綸竿只漫垂無魚亦歸去不到雨來時

與南村夜話用周伯明韻兼寄時行

江海重來二十春中間人事幾回新朝端我正懷莘老

南村忠肅  
公商也

谷口誰當畫子真吟倚石臺雲繞足醉褰風

慢月迎人扁舟便得從君去先過張翰覓紫萸

南村歸興十首

上林煙樹

思家千里夢戀闕萬重心欲去頻回首煙霏滿上林

潞渚風帆

岸添山雨闊帆送曉風輕利涉從茲始遙遙思帝京

岱岳瞻雲

雲生岱岳頂秀結魯城陰仰止嗟環轍千秋萬古心

呂梁觀水

奔流形道體絕壁見神功去去吾休也危途一夢中

淮陰弔古

綸釣貧難忍王侯貴不終江邊有行客歸興十分濃

金焦覽勝

自有兩山來幾人此經過青山默無語識人知最多

惠泉試茗

攜將雙鳳團來試九龍脉臨流啜花磁更憶長安客

松陵倚櫂

倚櫂虹橋下涼風吹葛巾  
家山看漸近魚鳥自相親

三泖垂綸

扁舟下三泖試拂舊綸竿  
鱸魚三尺雪飛上水精盤

五茸秋穫

田園正收獲行李忽在門  
此樂不可說令人勞夢魂

前題次十峯司憲韻

有跋

錦作坡陀繡作叢四時晨暮鬱葱葱  
梧桐夾道飛丹鳳

楊柳平沙散玉驄萬歲峰高空翠裏廣寒宮起蔚藍中  
行人擬得相如賦拜賜江南作隱翁

南客扁舟欲去時好風真與客心期雲邊已似見鄉社  
蓬底從教卧水師行路一番嗟往事詩篇幾處有新知  
飛來燕子不相識却上沙頭楊柳枝

蓬底哦詩正寂寥忽看膚寸起岌嶷回翔未欲凌霄漢  
津潤先應及楚翹五彩何年歌爛漫九農今日願豐饒  
河陽舊事還堪省幾度秋霜換斗杓

彭城天險亦岷峨南北舟航倍幾多  
激浪奔流無日夜  
長年三老費撝訶  
試看急纜牽危舸  
何似方塘湛綠波  
欲赴此行銘劒閣  
蒼崖先遣百人磨

泗亭秋色已荒涼  
更擬淮陰一瓣香  
飛鳥未隨弓力盡  
黃流差比券言長  
榮華自古能誰在  
山水無情默自傷

一語到君尤足恨  
湖頭空負碧霞觴

淮有美酒而南村不飲故以戲之

又復扁舟過此中  
向來明月幾弦弓  
山形依舊兩眉綠  
江水無塵一鏡空  
白鳥去邊天欲盡  
青楓落後歲將終

圖經漫有新題字一笑煩君問雪鴻

近曾序京  
口三山志

囊裏探春粟粒芳松間敲火石泉香從來乳酪風斯下  
此日山林意更長定有詩篇記清賞誰從杖屨合分嘗  
吟成更作東南笑極目龍山入杳茫

鷓鴣夷不見五湖舟香徑真成麋鹿游客夢幾回空歷歷  
江流千古只悠悠天隨釣處堪終老張翰歸期不待秋  
記取一時生色畫蘭橈斜倚白蘋洲

湖水泖水分濁清漁舟客舟誰重輕陸機張翰舊同里



仙鶴鱸魚並有名長笛數聲江月曙青山九點暮雲平  
一時盡落先生手未信煙波也世情

君來三吳占有秋君去正及吳田收蓂衣但除雨浙澀  
衲襖不怕風蕭颼煙中白鶴叫野水竹間黃耳眠高丘  
眼前此地亦可念舊來總屬華亭侯

予既為南村賦歸興十絕句且序之矣六月九日  
景安席上誦十峯詩歎其雄麗南村起屬予和之  
予醉不知道何語既歸而詩卷至矣度勢不可已

勉強為之貂尾蛇跗明有禁戒知君愛厚有不容  
於不盡也十二日書

初伏喜雨次未齋殿講韻

老火凌揮金乾坤鬱爐烘田農望時雨十候靡一中商  
羊躡兩翅玄豹隱塵霧蒼頭揮巨箠却立嗟腕痛此時  
天公心髣髴為爾動驅雷駕長雲橫海截明蟬初開瓦  
溝瞥忽作渠溜閨淙淙殊未已密密欲無空兒嬉集堂  
幻萬斛試一醵老夫病不寐還作江海夢青秧間白水

碧樹黃鳥哢絺帷涼到骨翻恐墨池凍起來望西山雲  
氣猶瀕洞回翔如有意邀我作詩送須臾朝陽照五彩  
變龍鳳巖巒數百里眩晃莫搏控輕陰拂高城餘潤溢  
朱棟疏畦及稻壠盎盎流乳漣即看禾連箱已覺糞滿  
爰坡仙記新亭妙語託深諷驪珠與肪玉至美等兒弄  
此物方施行我道堪哀慟清風頻戒秋炎令將過仲河  
流滿諸牖日夜走方貢牀頭幸有酒一笑且從衆

壽定庵先生用周伯明韻

八十從頭四見春年來詩筆更清新不知後進誰堪繼  
頓覺仙才自有真遠道風塵頻入夢清時林壑也須人  
橫塘八曲中秋燕正得銀魚配紫蓴

悔軒宗伯將赴南都出山水橫幅索題上有教  
所詩因次其韻

君不見長安列第羅金屏山亭水閣紛縱橫洞門落日  
煙霧合回轉天地迷陰晴又不見岷江五月蛟龍怒雷  
奔直下空艚渡千鈞一髮寄黃頭只尺頓殊人鬼路川

平山遠畫者誰曠朗一洗豐肥癡塗行室偃各有適此  
意只許堯民知綸竿未挂珊瑚樹誰識先生會心處行  
看巨舸濟中流且為江山發新句

次韻馬文明光祿和馮子佩雨中觀蓮

山花何如水花潔江鄉又作三年別銀潢一派寫秋光  
綠浪紅雲幾明滅孤標不藉闌檻護皓質豈因泥滓涅  
江梅衝寒面如玉巖松積歲髯疑鐵清嚴淑麗各有態  
根性已是多生結銅池碧影落天鏡東軒未到吾能說

一泓便有五湖意造物信可兒童竊翠盤跳珠散涼雨  
夢回曉枕聲未絕恍疑誤入水仙府萬隊紅粧擁旌節  
鑑湖終期明主賜雲錦只恐天機撤書生儉筭亦有計  
勝賞直與吟詩折

以詩寄師邵御史戲書其後

新詩寫寄樂天賡斜日虛簷坐晚晴莫道閒官無一事

揮毫還記唱籌聲

翰林孔目無印記月  
俸出納皆學士親之

奉和涯翁西郊觀稼是日得鄉書有感

江鄉為別近三年沙水頻侵柳外田多稼喜聞西郭詠

清風正想北樓眠

家居值水常坐卧小樓

深村野老藜羹飢華屋

佳人錦瑟筵欲問從來調燮事黃花開滿夕陽天

杜古狂壽意二首

杜郎胸中富丘壑筆墨到處生煙雲名高價重愛者衆  
入眼太半疑非真君家此卷得何易無乃意氣相感此  
老始肯留心神洞門陰陰六月寒石角下墜臨奔湍湍  
崖逆上不知幾百里別有琪花瑤草爛漫無由看仙人

宴坐長松下風髯飄蕭貌閒暇山童拾得紫芝歸笑指  
蓬萊問靈駕靈駕參差曉未還洞庭林屋有無間風煙  
不雜人間世雲氣遙通海外山海外相逢今幾秋蟠桃  
一熟歲行周主人六十正年少更約花開尋舊游

東華老人七十強全家舊住古錢塘湖山繞屋凝清光  
聖人北狩開明堂雲從金輿飛渡江爾來百年雙闕傍  
老眼厭見車塵黃心思湖山歸路長高堂曉日懸蓬桑  
湖山忽在堂中央瑤臺仙人古衣裳飄蕭鬢髮臨匡牀



松風吹花滿山香  
麻姑遠來稱壽觴  
身騎白鹿青絲韁  
仙姬一雙婉清揚  
金桃玉醴各有將  
青鸞飄搖雲際翔  
阿母欲下雲蒼蒼  
老人再拜承壽昌  
吾皇壽域開八荒  
雲飛川泳皆康莊  
千載白雲還帝鄉  
何必湖山懷一方  
嗚呼何必湖山懷一方

師邵以南村歸興韻賦鄰好十篇奉答

借書

君書自充腹  
猶有臨淵心  
撫卷惜年少  
悠然懷故林

送酒

庭下兩尊綠牆頭一竿輕無詩可充釣積甌空如京

君嘗

作詩釣牆  
上故云

鷺鳴

不學雉登木還同鶴在陰憐材復愛客無那主人心

雞唱

子聲豈云惡我食慙無功懷哉祖豫州起舞深夜中

訂交

昔賢重交結在始不在終君看千頃波寧作壺醴醲

請益

我壯本無似況此歲月過重索視稠載其誰得之多

鄉語

石湖到崑山中帶淞江脉却被幽薊兒呼作三儂客

文會

芳鄰盛文會老我亦濫巾却憶西亭子寂寞誰與親

時施

聘之以  
事下獄

兒啼

驢子墮地時送喜憑郵竿聞聲想神駿舉足凌九盤

君有

河間公館  
聞得子詩

詩債

舊卷擬立案新題更分門何人為剪紙一返皮陸魂

師邵每有詩督和甚急九和侍講嘗題其後曰

立案而還之聞者大笑既用以賦詩債復次

韻嘲之

新篇落筆遞酬賡不放秋天幾日晴時正多雨只有未齋新  
例好且教風雨暫停聲

永感堂為同年王威遠賦時自鄖陽入朝過家


上冢

客意逢秋自感傷還將此意賦君堂兒童豈識晨昏樂  
老大空驚歲月忙閭里有人誇畫錦乾坤無地答春陽  
惟應一點忠貞志青史千秋表義方

中秋夜客散步月中庭忽憶陸舜卿南歸乞詩

索筆書贈

高飛獨鶴想華亭出海冰輪到曉清  
林影波光四千里  
看君一路鏡中行



東江家藏集卷十二

中集

欽定四庫全書

集部

東江家藏集卷十三

四

詳校官監察御史<sub>臣</sub>龔驥文

中書<sub>臣</sub>劉源溥覆勘

總校官知縣<sub>臣</sub>繆琪

校對官編修<sub>臣</sub>周瓊

謄錄監生<sub>臣</sub>王思恭



欽定四庫全書

東江家藏集卷十三

中集九

明 顧清 撰

北游稿

詩一百二十二首

送余德輝御史赴安陸判官得月字

郢客歌陽春希聲入寥泲和者不數人千秋竟消歇  
君今郢中去感我生素髮冰霜只自許白日誰擔揭  
驅車

涉遠道萬里在超忽江鄉富蘭茝庶足克攬擷懷人應  
有賦去國那能忍行矣欲何言贈子天心月

子元太僕惠小山巾次韻奉謝

巾用幅帛疊成  
類東坡制而不

假裁合蓋子元新  
意而涯翁命名也

蘇老危巾四百年還從離合見方圓臨臯亭下一回首  
叢桂林間別有天蕭散最便麋鹿性風流不上綺羅筵  
晚來月照西窓下猶恨鬢髻鬢影偏

巾小僅  
堪籠髻

天彝生日鄉里諸公會于小園賦鶴亭芝瑞詩

各次其韻奉謝

鶴雛新長又生芝好事傳聞定幾時  
曲水坐間流詠富小山叢裏恨歸遲  
清宵見月頻回首永日停雲獨舉卮  
願託微芳染餘潤春風長滿謝家池

右次韻定庵

長因南北歎參辰豈謂兒童抗主賓  
地向紫芝篇裏重人看白髮鏡中新  
寒林松栢心空在清廟珪璋體自純  
何日西湖能載酒為公重慶北堂春

右次韻約庵

園林非綠野賓客盛蘭亭  
鶴馭迎仙氣芝房染德馨  
聞

歌思水調憶別愧山靈何日拋塵鞅逍遙共百齡

右次

韻吳舜弼

換骨靈苗待九蒸重聞高詠報祥徵凡材豈有青冥想  
仙掌虛煩玉露凝雲谷放歌從此近竹林調舞記吾曾  
畫圖莫著桃花並恐誤漁郎入武陵

右次韻東曙

仙人茹五芝其一乃瑤草薰然蘊靈和千秋一殮飽青  
雲逗玄光獨立萬物表長願采掇之駐此顏色好丹青  
間藻翰為我助幽討因之發深悟永謝商顏老

右次韻

王宗顏

蓬門何意長蘭芝  
吉夢春來似有期

三兒夢紫雲起花  
笥中墜地為靈芝

明日  
得男

鄉里衣冠多善頌  
詞林珠玉盛傳詩  
階前迴與羣

芳別畫裏爭看五色奇  
為謝東風好披拂  
此根終合在

銅池

右次韻岳器之

雙飛唳月林間鶴  
九疊蟠雲石上芝  
攜鶴採芝何日是

高歌聊把菊花卮

右次韻沈希周

鶴巢山亭上其下多紫芝  
芝生鶴雛長舉目  
皆天機雲

水非江海丹青辭棟楣信美不可即有時夢見之軒裳  
亦何以坐此長別離高歌謝園綺往矣吾其隨

右次韻

楊士行

曾入玄光洞裏天却來亭下兆延年林園幸接三吳秀  
孫子慚非二謝賢人愛朶雲歌郁郁鶴驚叢露舞蹁蹁  
薰漸更有諸公在誰羨同舟李郭仙

右次韻張民厚

夙抱林野性自非鷗鷺姿天風一偕便並入雲樓棲玉  
池飲宵露珠樹揚朝曦由來際時幸豈謂緣德滋嫖姚

不顧家千古稱雄奇況此事文墨曾無籌幄帷頻年樹  
松桂僅與蕭艾齊癡兒強解事徒手搏象犀藩牆既自  
理春鍾亦躬持遂令三畝間童奴日奔馳且為息偃地  
敢與祥禎期華篇競藻飾嫫母成西施緬懷羣仙會大  
火猶未西紺爪落霜刃朱李來冰池雖微鍾鼎盛頗與  
山林宜塵沙隔遠道企望空垂頤安石出較早淵明歸  
恨遲載歌嗣高韻正值黃花時

右次韻綢庵

營繕所副姑蘇陸雲與予同年生而母尚無恙

乞歸得許以小像索題為書絕句

鶴骨峻嶒鬢有絲青衫纔著便思歸高堂幸有親堪養  
未必功名與願違

九日世興席上有感用齊山韻

城闕秋風木葉飛西山落日翠煙微園亭到處花自好  
鴻鴈來時客未歸短髮有情憐破帽長繩無計挽斜暉  
尋常遍插茱萸地注目江雲空濕衣

陸騰遠將赴吉安來別因及其鄉榜書名之異



賦以為贈 有跋

燈火秋堂記拆名朱衣真有暗中靈從知好事皆前定  
果見高文策大廷人向官曹論中外我期功業在丹青  
西江第一廬陵郡且為龍泉試發硯

是歲書卷當三十有三及攢號乃缺其一蓋誤算  
也予末卷甚佳而傳北潭欲強用其所取舉筆而  
誤始懼而從予曰此有神焉洎拆封乃騰遠也

王參政叔武自太原入朝首索西江贈行之作

蓋丁卯歲趙叔鳴郎中倡首逋欠幾十年矣  
小軒夜半相對惘然為書此卷末亦因以復  
叔鳴也

古木迴廊玉署東幾宵相對燭花紅風雲浩蕩君能健  
鬢髮蒼浪我已翁到手酒盃渾似夢隔年詩債已書空  
貞元舊曲猶堪按一笑無忘此會同

王汝楫同年將之武定出留別一章次韻為贈  
相期紫陌聽雞鳴又報金屏錄姓名紅日正當雙闕麗

碧天遙指片鴻輕嘗來冷暖應知味語到閨閭不盡情  
二十四年青眼在一時翹首望君行

崔世興席上涯翁限韻送聖公

班行連月喜從公望望尼山馬又東夢繞宮牆千里外  
情深冰玉此堂中簷花暗結燈前白時有微雪海日將騰夜  
半紅不盡一時留別意詩成翻恨酒無功

十月十二日夜紀夢

卧游忘近遠忽在田野間田家正收穫籬落整且完北

林五間屋西廂亦復然紙窓映紅日機杼鳴闌闌東牆  
列嘉樹高廩如丘山老穉各有事往來紛不閒出門喚  
童御小艇維江干沿洄迷處所中道歷險難時聞異人  
語妙理徹肺肝論出處事以直  
已守道為主鳴雞忽戒旦斗帳梅花  
寒心同理罔間時至物有先歆枕思往路桃源杳漫漫

有菊為盛德彰賦

江南人家誇有竹君家有竹還有菊延年一脈是仙傳  
不數江頭千畝綠茅簷蕭灑紙牕淨竹闌宛轉苔階曲

畦分種別人事盡雨沐風晞生意足八月欲盡九月初  
霜風漸高木葉枯鄰家蕭條我富貴金釵玉珮羅庭除  
湘纍放逐怨枯槁淵明亦為五斗驅南陽老人空壽考  
食粟飲水終癡愚不如先生生長太平世讀書賣藥至  
老不受樊籠拘菊花本是蕭散物亦自樂與君為徒自  
從入京師十年無地容揮鋤盆栽擔買不快意夢中往  
往尋郊居老去君方厭塵土病來我正思江湖青山何  
日遂東去一舟定與鷗夷俱疎籬矮屋時入眼楓葉蘆

金剛經疏 卷十三  
花堪畫圖此時我家菊亦盛亭館亦可羅尊壺君來不  
憚百里遠我能無酒為君沽長安在西向東笑只恐春  
風桃李背面偷揶揄

開化徐進士良節介其友謝錦衣汝容求南峰  
書院詩汝容故剡人康樂之後也因託以起意  
謝家舊說東山公徐家南峰亦穹窿東山南峰相去不  
知幾百里峰頭雲氣往往直與東山通前飛紫鳳後覆  
釜金錢石佛交幘幪其間突兀見精舍創始乃自開原

翁詩書簪組不絕百年內至今鄉里傳高風古愚肯構  
已足尚節也中興還有功別來三載勞夢寐時與謝家  
孫子畫裏心神融君不見黃頭馬下三尺水一滴起自  
天瓢中江湖廟廊雖異處竹帛鍾鼎將無同他年駟馬  
入閭里遠記列齋燈火相對三更紅

華鯨母鄒氏挽詩

梁孟高材偶朱陳奕代親家人柔得正樛木厚無倫頻  
藻巖時薦筐箱遍族姍移天情獨至拔俗見尤真

不信  
佛不

神禱

幾日猶華屋中宵忽聚塵機絲空寂寂環珮儼申申  
彤管嗟終古玄堂不再晨桂山寒日晚風葉助霑巾

送王良弼赴清流訓導兼簡薛用章

通波門外石橋邊坐擁臯比二十年戰力未輸春晝蟻  
宦程聊試越江船一尊綠酒城南道九點青峰海上天  
為問西樓薛夫子肯教塵匣繡龍泉

送闕廷實撫州訓導有懷高進之

長憶尋君過石橋吳松江上雨蕭蕭十年往事同春夢



一點鄉心逐暮潮餘興猶堪賦芹藻好官何必定金貂  
陽關擬唱無人和落盡燈花獨自謠

冬至前一夕夢書六字甚異

定國本  
養萬民

自古元良惟國本由來天子重丘民昇平事業無多字  
把筆翻思夢裏身

題潯陽送客掃雪烹茶二小畫

一曲琵琶月滿船蝦蟆陵下玉生煙江州便作天涯念  
更有潮陽路八千

蘭茗無計續鸞膠雪水重逢錦帳羔合與詩家作談柄  
老韓謀國未應高

舊有誦十二月吳江竹枝歌者戲效之得三首  
而止十一月廿三夜不寐因足成之詩成夢  
乘馬上曲磴地名湖塘遇小兒杜姓者同行  
論處世之道甚悉

正月吳江好放船雪消冰泮水如天江頭楊柳千千樹  
記得東風似去年

二月吳江燕子飛  
河豚欲上荻芽肥  
儂家艇子前洲裏  
貪看春波忘却歸

三月吳江柳正青  
柳花飛去半為萍  
蔬畦麥隴薔薇架  
粧點田家作畫屏

四月吳江正插田  
青秧白水暖生煙  
回橈轉入深村裏  
只見垂楊不見天

五月吳江賽屈原  
紅旗畫楫滿晴川  
鷓鴣夷漂泊誰家事  
寂寞胥門一炷烟

六月吳江錦作天青蒲綠柳間紅蓮漁郎日見不知愛  
空在江邊住百年

七月吳江鬪巧天雞頭菱角綵樓前青裙蕩漿誰家女  
獨自中流唱采蓮

八月吳江泊釣船芙蓉花下綠楊邊鴛鴦一雙堪入畫  
只可遙看莫近前

九月吳江空水鮮菊花籬落晚霞天詩中盡說斜川好  
不道斜川在眼前

十月吳江大有年  
耒聲兩岸夕陽天  
競春白粳輸官裏  
不遣鄉胥惱夜眠

冬半吳江水未堅  
蘆花楓葉尚依然  
沙頭一派天書字  
知道鴻飛若箇邊

臘月吳江更自妍  
梅花開近竹林邊  
王猷可惜空歸去  
不見新晴雪後天

弔錢慎庵太醫用前壽詩韻

謂君不狂君竟狂  
人間不住歸山傍  
七十八年駒隙光

高論久矣聞蒙莊鉛砂伏鼎夜光芒無乃尸解遺冠裳  
不然白雲游帝鄉斑衣麻經慘徊惶奮飛恨不從雲翔  
向來壽寧今真觴痛君不見諸孫昌君今神游何可量  
上下四方與中央吳山松柏夜有霜君歸來兮儼高堂  
挽慎庵詩成而其配徐孺人訃亦至仍用前韻

吳天歲暮風雨狂玉樹雙隕吳門傍前者梁鴻後孟光  
愁雲直掩臯家莊青天寶婺收精芒酒漿麻枲及衣裳  
身在閨門名在鄉游子秋來思惶惶封書幾逐南鴈翔

宮醪本擬稱壽觴  
慟哭無地歌耆昌  
燠寒旨甘誰節量  
聽絕城烏夜未央  
起看明月滿天霜  
魂兮何之杳空堂  
京城見鱸鱸惟松江  
有之志異也

墨章銀質雪膚肌  
乍見分明忽復疑  
物色舊傳鄉土重  
氣機應與地靈移  
苞間霜橘如相待  
水底絲蓴或未知  
莫恠尊前倍惆悵  
病來方有季鷹思

次韻十峯病起寫真

不見文園又幾朝  
一杯仙露渴全消  
戲書重挽千鈞弩

試飲還歌五石瓢  
吟對館松猶翠羽  
起看宮柳欲青條  
生綃昨日看圖畫  
更覺紅顏比昔韶

周伯明三錫堂

初以知縣封父母尋召  
入臺遂得御史敕命

春色河陽自滿堂  
明年豸繡接龍章  
南陔孝子無遺恨  
晝日康侯並寵光  
林屋晚霞明曳綵  
玉山晴翠落飛觴  
承恩此去應難計  
庭樹階蘭日夜長

臘月十六夜

金鼓齊聲振羽林  
九重宮殿夜沈沈  
沈霜庭屢轉千官影



玉宇誰憐萬里心北雪再看過晚歲南冰長是結層陰

北州無雪南中苦寒廣西全州冰合此自古所無也愁來欲共嫦娥語又跨蟾蜍

下碧潯

月食復圓和師邵

八萬神工七寶精為誰殘缺為誰盈蒼茫直恐冰輪盡  
次第還當玉座明萬國山河仍舊影中軍笳鼓送餘聲  
盧仝此夕應無寐吟倚霜臺到五更

山妻六十効樂天體

練裳竹筍憶蕭然又到人間六十年我學鮑宣方自愧  
君於桓少定誰賢已看兒女諸房滿始有金珠兩鬢全  
是歲初製翟冠白首青山是何日舉杯重賦鹿車篇

生朝甲子值元辰臘月風光動早春  
是歲臘月丙子立春山妻元命又生  
也辰算巧適逢三會合歲行初屆六周旬曾聞孟母中閨

禮不恥韋郎少日貧一酌尊前重有感幾時同灑太姑  
墳  
任太夫人顧氏山妻外祖姑締姻之事夫人實主之所以期待予甚厚

鄉里諸公寄生辰詩各次其韻奉謝

五雲阿閣聚鸞凰  
豈有鷓鴣合並翔  
附翼本因風浩蕩  
託身多幸世明昌  
頻占好夢池生草  
願比遐齡日在桑  
錦軸瑤篇春拜賜  
玉堂連夜起虹光

右次韻定庵

上堂兒女笑扶將  
猶憶斑衣介壽昌  
遠道忽傳來錦字  
寒齋驚見起龍光  
山中草樹便麋鹿  
天上簫韶協鳳凰  
願把一杯歌引翼  
白頭相趁老柴桑

右次韻約庵

高價青山不可賒  
車塵袞袞暗東華  
久拚後飲屠蘇酒  
詩以歲除日到  
無計長留若木花  
未就丹砂憐我老  
有來雲錦

拜公嘉春風忽送還家夢一路桑陰夾苧麻

右次韻買

芥

望入梅林水月昏故人何處倒芳尊不將遠道忘嵇呂  
每有新詩託益崙樸學半生非世用閒官廿載是天恩  
春風又負花前醉空玩義文六四坤

右次韻東園

萊子新年舞袖長直從臘雪到春光相將柳信連梅信  
次第椒觴間鶴觴共指松筠能傲歲不知茗葦怕經霜  
高秋擬續凌雲賦題榜還應說仲將

右次韻周文煥

書生事業每多誇又向詩篇荷寵嘉德耀晚年猶舉業

伯鸞少日本無家皇恩未許堂開錦命服初看帔有霞

山妻受封久是  
年始製冠帔 渡海摘桃非我事三年孤負賞梅花 右

次韻張天驤

吳田秋晚稻如京似共癡兒更有情笊裏但知春酒滿

人間不管世途榮書燈列屋看諸子詩卷分題屬友生

得向眼前同一醉也應無羨海波清 來詩多及大兒之  
事故以答之 右

次韻諸邦魯

除夕用伯明舊韻

天時人事默乘除又報春光到客居老去生涯隨分足  
病來朝籍幾行虛雲中鳳闕瞻華表賦裏山堂想遂初  
兒女夜深渾不寐桃符要看曉燈書

懶習平生欠掃除時於歲晚惜諸居猶嫌韓老送藍樓  
肯學相如賦子虛日月未殊千載上陽和又是一元初  
燈花似送新年喜忙檢東方雜卜書

丙子元日示雲孫時其弟應芝將睥陽寅辰錄

四兄弟  
在松

春衫簇簇稱時裁  
喜道新年上學來  
接得屠蘇滿堂拜  
不知小弟已先杯

兒童賀歲滿堂前  
一樣心情兩地懸  
爭得便成東下計  
不教凝望五雲邊

陽孫今日已成童  
諸弟荆花共一叢  
憑仗春風好培養  
併將書筆繼衰翁

春光又到小樓東  
幾日春花爛漫紅  
細想別離緣底事

鱸魚剛要待秋風

和師邵春日登慈恩寺鏡光閣及歸途即事

春入慈恩寺雲樓面水軒  
佛光懸日月空界了名言  
兜率吟邊近滄溟坐裏翻  
更須花滿地車馬便應繁

祇園開勝地金刹俯層軒  
水月澄空相伽陵象佛言  
慈

雲低樹濕瑞葉入窓翻

是日微雪

若論三乘事微吟已自繁

佳節重歡娛游人勝兩都  
笙歌填陸海日月麗天衢  
健想凌雲筆奇觀隱市壺  
子桑空隱几幽恨可能無



和師邵七言絕二首

病裏春光只漫消  
碧山回望轉迢迢  
慈恩閣上題詩客  
正得君王放早朝

老去文園渴未消  
甘泉春從屬車遙  
倦來一枕山窓夢  
滿耳黃蜂鬧午朝

和伯明歲朝用姜禮部夢賓韻

閒意窮千古  
浮生共百年  
感時爭曉暮  
觸念有陳鮮  
宮柳思含翠  
庭雲看列錢  
自今賡麗句  
直接賞花天

再和消字韻

幾日東風凍未消  
千門柳色望中遙  
椒花柏葉宜春酒  
應待明年共早朝

鬢雪初凝未擬消  
後來難定以前遙  
尋春走馬長安客  
虛度昇平又兩朝

和孚若聞秋成寄賀郡守喻侯及元旦口占二首

鄉書一日兩番收  
畫出黃雲臥壠頭  
霑足未論天下事

古諺蘇松  
熟天下足

蕭條頓解客邊愁  
舟看西郭千艘擁  
路想南

莊一徑幽

松米市在城西  
而薄田在南

喜極病中忘戒飲  
自呼新釀

試深甌

松爐殘火曉猶明  
高閣微風送漏聲  
珠斗漸低長樂觀  
綵雲應繞未央城  
青春並阻瞻龍仗  
往事閒思聽鹿鳴  
二十五年同仕版  
遭逢誰不願昇平

陳復清挽詩檢討原大之父

我聞清隱翁遺世  
希由巢君清復如  
翁可望不可招  
市

城無濡足詩書有神交妙蹟想顏柳高吟誦韋陶良材  
墮空谷見謂神理遙遺編付兩郎一一彩鳳毛聯飛入  
天門光價動紫霄褰章極華袞後祿方滔滔巨鏞靡速  
響淺渚無驚濤緬懷神仙駕八表同海遨時還撫舊鄉  
含笑停雲旂惟有風木心終天感飄搖

予既賦京城見鱸有曉之者曰此名大口魚北  
州素有似鱸而實非也昔人謂蜉蝣為鱸予  
何以異焉乃疊前韻

鯉質嘉魚又鯽肌從來物類有相疑  
纖鱗儼帶三江色  
巨口都將一字移  
張翰此時成獨笑  
陸佃當日未曾知  
埤雅不載鱸  
况其似者  
薜蘿杜若參差地  
更在詩人細入思

慶成宴和師邵

圜丘禮罷歲猶新  
衢室筵開意更親  
龍見九重瞻聖主  
鹿鳴三殿引嘉賓  
分曹舞隊番番錦  
攢綵宮花葉葉春  
却憶早時承寵地  
鈞天渾似夢中身

錦筵高列映青春  
寶扇徐開見聖人  
慶禮載承禋祀舉

治功應與歲華新須知鼓瑟吹笙意正在忠言讜議陳

君近日累  
有章疏

既醉有詩還索和絃歌一夕遍芳鄰

初度有感用庚戌歲韻

百年強半一生中雙鬢頻經萬里風

南北往來自初人  
仕至今凡七矣

世悲歡幾蕉鹿山林日月自瀛蓬曾嘗蘗蘗知甘苦為

艱蕭蘭識異同覆載莫酬巾履在不勝翹首向蜚鴻

上策難成擬就中蹉跎又到落梅風

謀歸不可乞  
差遣不遂

向來

弧矢羞長劒此日江湖羨短篷睡眠不知鄉社遠繇言

剛與客心同歸期未要燈花趣自有高飛塞上鴻

海虞施君精地理卜筮之學別予南去約以高

秋會于雲間走筆有贈

浮世紛紛未有涯著朱騎馬遍京華相逢盡訪君平肆  
歸去誰同博望槎林下晚風催試葛雨前新火待烹茶  
高秋為有扁舟興白鶴城西是我家

和十峯聞西涯賞梅有感

聽說梅花百感新去年同是賞花人病來東閣詩俱瘦

老覺西湖意轉親  
投簡不妨還賦雪  
攀條無計可留春  
何時煙月溪橋路  
鬪取筇枝見在身

走筆留汪秀夫

風塵隔絕幾星周  
一笑相逢百慮休  
浮世榮華雲過雨  
男兒意氣鶚橫秋  
卞和抱璞終成寶  
李廣馳聲不在侯  
總角交游閒散地  
未妨三日更遲留

松守喻侯計至有感

萬事無言已蓋棺  
蜀江回首是青山  
浮生畢竟誰壽夭



客路從知有往還，千古桐鄉終祀邑。  
他年漢史或須班，令人轉覺巢由貴。  
不與醯雞雜瓮間。

送盛有菊良醫之濟南

卜相無成擬作醫

君嘗游學官累舉不第

達人千古共心期，名家

獨數中吳舊直誼。多應我輩知今日，宗藩宜永壽幾年。  
朝路惜分歧，靈光退直從容地。還對黃花誦我詩。

三山廖彥正往以新喻司訓同校文南都秩滿  
陞吉安推官來別得備聞兵興以來故人行

事消息之詳且出示其尊人憲翁遺像及諸名人題咏臨觴永歎贈以是詩

畫簾紅燭共秋堂十載長安重此觴往事劇談悲露草

周時敏戰死趙孟希陷賊歸亦死

新詩傳看總琳琅江山六一餘文藻

職事臯陶舊典章更喜同官有交契併將欽恤贊循良

吉安兩推官其一陸翺騰遠丁卯鄉閭士也

題計郎中汝和墨菊曹汝學家藏

郎中畫菊真是菊蒙泉蒲萄太常竹一時能事併馳聲

豈直文章難繼續

天順中賦云林良翎毛夏  
景竹岳正蒲萄計禮菊

狂揮急掃

皆稱意不特品高機亦熟西涯坐間生色障一見當時  
已心服不知何日到君家淨洗朱鉛鬪清淑疎篁古木  
交映帶深淺生枯俱入態歌風一枝驚欲折倚竹數叢  
如有待飛鸞墜羽時自壓老蛟蛻骨令人駭張顛草聖  
久寂寞何意茲晨忽傾蓋

君畫筆皆  
草書法

郎中郎中今有無

後來尚遠眼中疎柔肌脆骨爭媚嫵不然蔓草紛黃壚  
頽波一去誰與返把卷撫玩增長吁君不見近時淮海

上亦有菊花一派往往傳京都

文章闕乎氣運書畫亦然嘗見以畫菊名者其

枝莖皆蜿蜒柔弱若藤蔓然徒取飄逸而失其本真多矣古人決不然也

送三兒應舉予已酉鄉試初場前夕夢乘霧登

雞鳴山及半見日出驚寤衆以為祥既乃下

第而三兒天秩以是日生今二十有八年矣

始遣其應舉因感前事書此勵之庶幾不以

離憂而妨遠業也四月十五日識

雲開日出四山明憶在金陵夢爾生俯仰卅年談往事

扶搖今日看初程兒童亦解登科好

小孫聞其父行甚喜

老我寧

為別緒縈若到仲游舊時地也應回首望天京

陳丕顯以貢入京將還試鄉闈閱其近作賦以

贈之

每從場屋歎拘纏送子臨風一悵然王路到來長似砥

聖言何必總如天

時文之弊往往以平易為高深而反失之

炎風赤日三千

里夜雨寒燈二十年選作上清堪一笑也應元只舊時

錢

松江歌送吳宿威太守

松江之水清若空松江之流浩無窮西起太湖東距海  
餘波直去通瀛蓬桑麻黍稷夾兩岸極目四望煙雲重  
橫塘直浦一百二十交灌注往往雲雨興蛟龍自從神  
禹來圖牒朗昭融孫龍肇啟號伯言繼疏封李唐作邑  
元建郡遂與三吳齊長雄聖朝疆域遍四海歲事半資  
蘇與松諸賢經濟各有以蘋藻獨薦雙崖翁我生不及  
際全盛尚見諸倉盈濟農

成化戊戌己亥間太平倉諸  
廩皆滿寄積水次倉者八萬

石倉斗字支  
至十年始盡

何人巧作憂民計  
顛倒簿領資頑兇徵科

歲滋儲廩竭對面無地尋窠蹤

改法在弘治  
癸亥甲子間

前年已已

及庚午諸湖積雨江發洪流尸塞道官束手有識仰面

吁蒼穹

文襄時濟農米歲二十萬其後亦不下十萬  
至是糶然庚午歲止賑罰穀五六百石而已張

公復始喻公贊

宜春張鳳應時  
內江喻時子乾

五年補葺無遺功衢槐

未成京兆死

子乾以丙子  
春卒于官

攔街竹馬悲兒童使君五馬

今復東江頭父老情喁喁望君不來待君久眼中幾見

旌旗紅老人有懷言莫通我歌松江寫其衷歌聲有竟

情莫終總在使君心耳中嗚呼安得此江還似雙崖日  
歸釣鱸魚作野翁

涯翁七十壽詩二首

睿皇初運岳生賢留付神孫秉化權一代盛名今古絕  
五朝隆眷始終全山龍不露彌綸手桃李都歸長養天  
回望玉堂趨走地不知何以祝長年

午橋長夏日如年吏散瀛洲聚錦筵黃閣衣冠諸老外  
清時鐘鼓百花前閒情好鳥鳴深樹往事浮雲澹遠天



惟有老人南海上祥光夜夜繞台躔

原復憲使書來稱其門下張君某之賢書至而  
原復已沒為之愴然君分教嘉定賦此送之  
亦以終原復意也

短李書來剩說君相逢消息不堪聞杏花東國還時雨  
鴻鴈南天空斷雲師道本緣天下立襟期重感故交分  
辦香為有南豐意應向龍塘弔白雲

龍塘原復近地北  
通松江與嘉定鄰

界

王廷輔除廣東鹽課提舉有不堪其事之慮賦  
此勉之

古人重立事今人重致身功業苟有託富貴安足論迢  
迢越王州連峯入青雲豈無近要途跋此高嶙峋摧海  
已非古嚴征重疲民廟選及吾子此意良已勤刑罰有  
至教催科有深仁金穀誠瑣末乘田彼何人新雨殘暑  
盡清風肅衣巾緬懷都門餞雜還羅衆賓而我病莫致  
徘徊獨凝神揮毫願有贈目送征車塵

讀葉文莊病目詩有感

七月二十六日  
時涯翁初逝

狼籍殘書研几偏  
毳毳寒雨北窓前  
客心正似涇東老  
長在池亭竹樹邊

衛景玉生辰用壬戌歲韻

有後引

回首丹梯思渺然  
還從此日話當年  
曉星殘月雙青眼  
東閣西亭幾玳筵  
猶有強弓堪射鴈  
可能長劒復凌煙  
仙班次第休重論  
一着商顏已自先

壬戌詩有他日仙班只今定  
丹梯須讓海鷗先之

句今十五年當時坐客若喬時章輩零落殆盡十  
峰艾坡近復傾逝而海鷗蕭然物外為後凋之松  
栢追思古人行樂及時之語為之惓然因即前韻  
賦此海鷗聞之其呼酒速客徑醉無空負此良辰  
為也八月四日記

驄馬吟送同年于器之副憲浙江

驄馬行骨權奇連錢被體玉琢蹄繡衣五采金帶圍據  
鞍顧盼生光輝臨發長鳴振金羈振金羈向江東吳山

飛度越嶺重眼中自不見豺虎敢有狐鼠留行蹤狐鼠  
空豺狼伏聽馬行來乎復漢家烽火照甘泉昨日單于  
樓上谷范生攬轡志在澄清我愛張子埋輪都亭君不  
見天閑尚有未純駟可使驛騶長地行

雜書五首

唐家重考牧毛仲最承恩開筵待宋璟速客煩至尊賓  
從滿高堂日晏湛清樽把盞不及酌飄風送回軒主人  
不敢訝四座悄無言何異百鳥羣仰視孤鳳騫良史劇

善繪丹青儼如存何當得再拜一醒塵目昏

美人鮮粧坐膝下錦裯兒珍果半銜袖黃柑帶青枝可  
愛故不與繞牀牽母衣文舉方四歲掉頭揚青眉得果  
尚取小馬能為爾嬉

薺堇不同味蕭蘭不共根雲鵬與斥鴳所樂各有存本  
是麋鹿性而當繫纓繁纓繁已自困更使舞當軒方將  
斲野槁難報芻秣恩

撫事意不適掩書翻自疑皇穹降民德聖言豈予欺云

胡康莊道蹶入千仞谿皮傷毛焉附巢破卵則危同舟  
濟江海生死理共之寧當風波際篙楫自紛披曲突見  
謂早焦頭竟何裨永念疎毛骨中宵起呼衣展轉竟達  
旦欲言當語誰

妾本田家女出身事蠶桑十三學拋梭十五成文章二  
十嫁夫婿上堂奉姑嫜伯姒調鳴瑟小姑弄金簧清聲  
激四坐歡樂殊未央回眸忽自失羞澀歸下房明燈發  
圖史彤管有遺芳先哲豈予侮永矢期勿忘

甲戌定庵生日涯翁有八十三回秋月圓之句  
乙亥仍用韻但改三為四約歲賦一篇今年  
未及賦而捐館追用翁意奉補此章僭不自  
量正可發壽筵之一粲也

麓堂詩例起年年八十五回秋月圓海上衣冠今洛社  
壺中日月自堯天煙霄未遠三山路錦繡難追十客筵  
翁去年詩語也 試向騷壇論晚節此情端合為公偏

送治齋先生孫君能下第南歸



東南人物重毗陵陸相聲華動帝廷門下老生慙繼武

先生嘗以少詹兼學士是歲清亦忝之

膝前孫子解傳經灤江木葉催鴻

陣阿閣天風想鳳翎好約他年話今日鵲袍爭似柳衫青

陳約庵詩賀遷官次韻寄謝

紫閣層臺矗九成人言此地即蓬瀛一經佔畢慙粗淺

十載遭逢荷聖明高會想聞鄉里盛

鄉中近日有安者會

壯圖全

倚太階平東山不為蒼生起翻使迂疎浪得名

用韻壽周北野七十

九轉靈砂已七成仙家猶道隔蓬瀛  
雪中蒼栢神逾勝竹裏黃花眼獨明  
松水看於春酒綠玉峯遙共海雲平  
不知今日睢陽社早晚還容託姓名

再用韻寫懷一首

秋入鄉園百寶成老農相憶話登瀛  
浮雲直與吳天永落日偏依谷水明  
懷土夢歸文並美升高望遠意難平  
尋思張翰成何事只為鱸魚萬古名

序庵許分菊促以小詩

買得園亭未有花，分明秋色在鄰家。  
酒闌夢醒空惆悵，猶有餘香襲帽紗。

冬夕餞師邵柱史出按西川用子容侍讀韻

驄馬昂然不受馴，繡衣清拂曉霜新。  
高堂正爾歌眉壽，遠道無勞賦小旻。  
到處豺狼應迹掃，別來山水更情親。  
春風不盡懷人意，都在青楓與綠蘋。

十月六日會同年於城東歸途有作

宮槐影裏散鳴珂  
還憶聯鑣杏苑過  
天地百年歡會少  
風雲四海別離多  
蒼生喜有諸公在  
素食其如賤子何  
相約歲寒期不負  
五湖煙水一漁蓑

檜亭見和催菊韻奉答

繞遍秋城看菊花  
清狂都放此君家  
淋漓醉墨煩教護  
剝費東牆幾幅紗

秋花元不似春花  
清冷穠華各當家  
昨夜午風亭上醉  
一般銀燭照籠紗

由來雪檜與霜花歲晚相看共一家  
亂插滿頭君莫笑  
幾人白髮暎烏紗

何廷珮方伯臨別索詩用珂字韻

門外驪駒白玉珂十年南北斷經過  
腰犀頗覺君來重  
鬢雪驚看我已多  
詩草正題戎有翰  
燭花休問夜如何  
明朝煙雨瀟湘路  
惟見溪翁理釣蓑

庭下決明

獨立西風裏蕭然自不堪  
是誰增客思呼作望江南

奉餞壺陰學士之南院無簡整庵少宰白樓太

常

十月官河未有冰北風清利綵帆輕詞林我正慚先步  
學海時方重老成六館舊人懷指授三山新賦入經營  
容臺吏省皆鄰近早晚郵笥不論程

蓉溪書屋為金都憲舜舉賦

都憲本松人孝子  
梅屋皆其族也

西川山水天下奇綿州更好芙蓉溪溪流百里到城下  
上有茅屋臨清漪長松蔭門白日靜密竹繞宅青春遲

屋中舊書幾千卷一一牙籤分架垂主人家本東州彥  
衣冠世澤聞邦畿高門大字榜孝子亦有梅屋工文辭  
柯條遠布極萬里書香一脉猶連支功名奕葉到孫子  
蘭臺石室爭裁魏天機雲錦出桑苧清廟簠簋資耕犁  
丹青數尺小齋裏尚想清夜聞吾伊平橋曲渚往復迴  
林亭水閣相因依扁舟泊岸何所待溪風颯颯吹人衣  
溪風吹衣人未歸釣天須人運璿璣江湖廊廟本異處  
軒冕山林非一時惟有芙蓉最相憶開花長滿屋東籬

宗府長史王先生珙清壬子薦名時寔預試事  
往以公事入都索詩為別賦此奉寄

宦途南北歎蓬萍一笑翻令別恨生三十年來託深契  
四千人裏愧虛名每從朱邸開魚素如在紅簾聽鹿鳴  
開道府中無限樂主君今日漢東平

賦瑤池圖壽滕洗馬先生母六十

瑤池遙遙何處所乃在崑崙之顛閬風之阻琪花瑤草  
四時春白鶴青鸞日翔舞西王母家上宮乘游雲躡飛



龍時來池上燕仙客倒影幻入龍綃中綵衣退直下金  
鑾門前車馬來翩翩入門一笑把春酒却道畫裏如堂  
前陶家親孟家母圖史流傳俱不朽不知當日壽堂前  
還有人如畫中否畫中堂上竟誰真神仙要是古賢人  
不須更問瑤池路再住人間六十春

竹泉為黃克清賦

種竹深開徑疏泉小作池情緣淇水舊蹟是考槃遺渚  
月憐清影林風想淥漪暫來還復此魚鳥莫相疑

葉文莊公孫尚源與予居同巷銓授大名府判

詩以送之

海內文莊六十年玉山回望渺風煙范公素有先憂志  
韋相惟餘後嗣賢西郭舊游追杜曲北州名郡數澶淵  
由來驥子輕千里穩上青雲不用鞭

壺陰阻冰河下用前贈行韻見寄有悔心焉走

筆戲荅

空江一櫂倚層冰頗覺胸中萬應輕

南舟守凍時  
最虞盜賊

阮籍

不為窮路哭馮夷近報水仙成清宵夢與羣龍伍彩筆

詩將八柱營

劉義事

前日雪窓還獨坐有人疑是洛川程

有冰剛欲道無冰此意於人亦未輕長策正因忙裏誤  
好詩翻為坐來成修蛇已想鱗虵壑顧兔行看魄載營  
何以報君堪一笑只將春水算初程

除夕望三兒不至

生來長是繞襟裾不為功名遣讀書旅食今宵定何處  
別時初夏歲云除

仲冬初日報行期任爾留連是到時行說坐思緣有報  
當時猶恨報來遲

少年東抹更西塗菽水高堂亦望予今日更無人望我  
抵應長是我思渠

東江家藏集卷十三 中集